

فیاپی ۲ غروش

{ ۱۵ تموز سنه ۱۳۲۵ }

نومرو ۲

حَقَائِقُ اَزْ حَیَآةِ و سَیَاسِی

صاحب امتیاز و محرری : احمد صائب

مکان اُون بَش کونده بر تشر اولتور

برسته لك اداره مشروطه
خاندان عثمانیده نسوان
دوات علییده صدر اعظم
دین اسلامك ترقیات حاضرده
روس سر ایلیك حیات خصوصیه ی

مندرجات :

استانبول

۱۳۲۷

اقبال ملت مطبعه سی

وزیر خانی



برسنه لك اداره مشروطه

« اكر تعقيب ابتدائك مقصد، عالي،
 « مشروع، حق و عدالت، مستند اولوب،
 « بالكر حيز حصوله، يصالي بيوك فداكارلغه،
 « متوقف ايسه حركتكده عزم و متانت
 « كوستر! مأوس اوله! امين اول!
 « ظفر يقيندر، مطلق نخبه آمالكا نائل
 « اولورسك! » [مأكى]

شو عالي و متين سوزلري، انكلتره مشاهير محرريندن « مأكى »
 سوياشدر. صحت احكامي، تجارب عديده تاريخيه ايله مؤيددر. بيوك
 موفقيتلر، بالكر بو سايله ميدانه ككشدر. بشقه درلو حصوله امكان
 متصور دكلدر.

« مأكى » ك سوزلري، خاصة مقاصد سياسييه حصر وجود ايدن
 جمعيتله، سياسي فرقه لره عائددر. مختصراً ذكر اولتان شو حقيقت، مسلك
 انقلابجويي تعقيب ايدنلر ايچون دستور العملدر. زيرا عدم ثبات،
 كوشكلكلر فعايلتمه كي علويي امحا ايدر. مقصدي عقيم براقير...

شو حقيقتك طوغرولغي، احرار عثمانيه حقنده دخي مكممل صورته
 تجربه ايدلمشدر. وقايع آتیه، نظر مطالعه دن كچيرلديكي حالده حقيقت
 ميدانه چيقار.

اول امرده ممالك محروسه ده فرقه احرارك، نه صورته چيقد يغمه دائر
 براز ايضاحات و يره لم.

بزده، فرقه احرارك ظهوري، عالي پاشانك عهد صدارتده، پارسده
 بولتان كنزچلره و مصطفی فاضل پاشايه عطف ايتك ايستمه ييلورسده حقيقت

حاله بوفره ایچون متین بر پروگرام تعینی، و تمقیب اوله جق خط استقامتی
کوسترن جنتکان مدح - پاشادر .

او زمانلر پارسه کیدرک صکره استانبوله عودت ایدن ژون ترکارک ،
اداره دولت حقده کی فکر و مقصدلری غیر معین ایدی . پرورده ایتدکاری
افکارک قسم اعظمی ، تطبیقی ناقابل خولیلردن عبارت ایدی . مدحت
پاشاک مسلك و مقصدی معین و اساساً يك ساده در . اوروپاده اولدنی کبی
دولت علیه دخی بولندیغز عصره موافق بر اداره مشروطه وضع و تاسیس
ایتمکدن عبارت ایدی .

پاشا مرحوم ، بومتصدینه تسماً موفق اولدی . فقط اداره مشروطه نك
بقاسنی تأمین ایدمه دی . چونکه قارشوسنده ، مات عثمانیه نك ، التیوز
سنه نبری مطاع فرمانی بولندیخی خانداندن بر حکمدار ، کور کورینه
کندی محو و اضاحالنه بویون اکن ، عسرلردنبری جهالت ایچنده یوزن
برملت بولونیوردی . فضله اوله رق خصم تاجداری ، عهر و یمینك خلافه ،
اك عادى انسانلرک بیله باهمیه جفی حیلله و دیسه لردن اجتناب ایتز بر پادشاه
ایدی . مدحت پاشاده ایسه حیث وجدانیه دن ، فدای نفس ایدرجه سنه
محبت وطنیه دن بشقه بر قوت یوق ایدی .

مدحت پاشا ، مرکز حلافتدن طرد اولدقدن صکره دخی عبدالحمید ،
کندیسنه مخصوص بویاجیاقلرله مجلس مبعوثانی ایفا ایدمککئی شایعه صورتیله
اعلان ایتدیرمش ایسه ده بومانوردر ، برکوستریشدن عبارت ایدی . نهایت
مخاربه ده ، یوزولمش اولان اردولریمز ، استانبوله طوغرو رجعت ایتمکک باشلادیخی
زمان ، احوالك تشوشندن بحث ایدرک احمد و فیک پاشانك صدارتیله مجلس
مبعوثانی تعطیل ایتدی . ویواش یواش ارزو ایتدیکی استبدادك تملاری
یراشدیرمکک باشلادی . بوکون میدانه قونیلان اثرلرده ، هر نه قدر
اوسنه لرده بعض محافل عالیده مجلس مبعوثان مسئله سی مذاکره
اولوندنی بیان بیوریلیورسه ده بولر خاقان مخلوعه خاص انترقیه لردن ،
دیسه لردن عبارت بولندیغنه معتقدز . وقایع اخیره ارتجاعیه فکریمیزی
تمامیله تأیید ایتمککدر .

هر نه ایسه ! بیک اوچوز تاریخچر نده عبدالحمیدک ماهیت ذتیسه سی تمامیه میدانه چقمش و کندیسندن دوات ایچون خدمت بکلمک ممکن اوله مه جنی تمامیه اکلایله مش ایدی . مع مافیه کندیسه قارشى طوره جق بر قوت یوق ایدی . مدحت پاشا ، طائفده بوغدی رماش . اصحاب ناموس و حمیت ، و کلا ورجال دولتک ، هر برى بر طرفه کوندر ماش ، مرکز اداره ، خسکاره صادق ادمرله لبالب ایدی . مع غذا او ، دورک استبدادیه صوک سهرلک چیاغینه جه سته ، قودور مشجه سته اجرا ایدیان استبداد قیاس قبول ایتمز .

عبدالحمید ، بر طرفدن اداره مستبد سنی تقویه ایدیور دیگر طرفدنده حریت پرور کوزو کدرک اهالی بی او یوتمق ایسته یوردی . بوندنطولانی بعض خصوصاتده ، مثلاً تعمیم معارفده ، برار مساعده لی داورانیور دی . و معارف خصوصنده کوسـتردیکی بو مساعده ایله افکار عمومیه بی ایجه اغفاله موافق اولدی . چونکه او دورلرده ، معارفه اولان رغبت و مکتبلره و یریان اهمیت مملکت مزده وطن پرور ، حمیتی کنج لر پتشدیرمه که مساعده اولدی . ملت مزک منور الافکار طاقتی و خصوصاً شبانمز ، فکر حریت پرورانه ایله الفت ایتمک باشلادی . بوکاده باشلیجه سبب بعض مکتبلرده کی معلمین مقتدره ایدی . بوذوات محترمه ، زمانک نزاکت و مخاطره فوق العاده سته باقیه رق ممالک بحر و سده و باطلصه مرکز حکومتده شبیه عثمانیه نک ، تعالی و ترقی سته چالشدیلر . بونلرک میاننده اوله فداکار ذواته تصادف ایدیلر که نشر ایتمدی آثار مهمه سیله کنج لر یزک تهذیب اخلاق و افکارینه ، تعالی ادراک و احاطه لرینه غیرت ایدرک مشاهیر رجال عثمانیه صره سته کچمش و وسعت لی معیشت لر تأمین ایدمه ماش ایسده یه نه مات عثمانیه نک تقدیر و تجلینه مظهر اولمشدر .

عبدالحمیدک ، مسلاک حریته اولان میلی ، میل ساخته کاریسی ، چوق زمان دوام ایتمدی . سهرلر ایلر و لدیجه استبدادی آرادی . یواش یواش طریق اصلاحاتی ترک ایدرک « حکمت حکومت » لر ایجادینه چالشدی . سرایک نفوذنی توسیع و آشیل ایتدی . باب عالی بی و کلانی بر منزلت عادیده برآدی . اورویا به قارسو دخی ماهرانه برسیاست اتخاذا ایتدی . اوروپا غرت لر یی ، تخصیصات مهمه مقابلنده ، ذات شاهانه نک مداحی حاله کتیردی . کندی

عدالتدن ، اقتدارندن بحث ايتديرهرك افكار عوميه يي آوودتي . وچوق بارملر صرفيله آمال خسيه سئنه نائل اولدي . اوروپايلر الدانديلر . اون سئيه قدر حميدي راحت برانديلر . فقط اوروپاده ، تركيه نك احوالنه واقف اولنلر ايشك حقيقتي بايرلرايدى . بالخاصه انكليتره حكومتى ، جميع زمانده بزم ايشلر مزي بزدن دها ايني بيلديكندن حميدك سئسطه لرينه بچده الدانماش ايدى . دائما حميده نصيحت ايتدى . واستانبولده كي سفيري ، بيلديز سرائيه كيتدكه شدتلى لسان قوللاير ايدى . فقط بوجهت دخي فائده ورميوردى . نهايت بوسر حركتك نتيجه سي اوله رق اورته يه ارمني مسئله لرى چيقتى . بيمز توكنمز قتاللر باشلادى . حميده ، دولت عليه ده ، بيوك تهايكه لرده قالدى . . .



ايشته بو زمانده ممالك محروسه يي تشكيل ايدن عنصر اسلام اوياندى ديسه ك جائزدر . ممالك محروسه ده برنجي دفعه اوله رق سياسي جمعيت تشكيل اولوندى . بو جمعيت ، عثمانلى اتحاد وترقى جمعيتى ، نامنى الدى . جمعيتك تاسيسندن مقصد اصلى ، اداره حميديه واستبدادك نتيجه سي اوله رق پريشان ومضطحل اولان مملكتي مظالم كونا كون طاقفتر سادن تخليص ووطن ايچون يكي بر دور مسعود آچهرق دولت عليه نك مادي ومعنوي احيا سئنه چاره ساز اوله . بيلمك ايچون وسائط لازمه يه توسل ايتمكدن عبارت و بو واسطه ايله ممالك محروسه عثمانيه ده اداره مشروطه يي وضع ايتك ايدى .

بوراده احرار عثمانيه نك اونوش اون التى سهالك غيرت و همتدن اوزون اوزادى يه ايضاحات و يرمكه لزوم يوقدر . شوقدر كه دور مذكورده ، ميدان حريمه آتيلان كنجلر مزي ، داخلده متعدد قومته لر تاسيس وتشكيل ايتديلر . بديسلرلى بو خصوصده جانلرني فدا و ديكرلرلى استانبول حبس خانه لرند عرستان و طرابلس غرب چوولارند محو اولوب كيمشلردر كه بونلرك اوزمان كوستر دكلرى غيرتلر برچوق اسبابك انضماميله عقيم قالديسده بو حركتك صكره كي احواله تاثير قطعيسي اولمشدر . داخلده بولسان انرادك غيرتلرلى بو مركزده اولديغى حالده بو صوك

اونبش سته ظرفنده خارجده چالیشان افراد دخي ملتزك شكرانته استحقاق كسب ايتمشلردر . شهنه سز بونلرك اراسنده فزالق ياپان بولونمشدر . فقط بونلر دخي احوالك خارق العاده عدم مساعده سي او كنده مسلك و فرقه احرارك محو و نابود اولماسنه فوق العاده مقاومت كوسترديلر . هان جمله سي ديار غر بته بك بيوك ضرورت ايچنده چالشمديلر . دوشه قالقه فرقه حريتهرواني ملتك خاطرندن چيقارماغه چالشمديلر .

مع هذا ملكتك خارجنده بولنان افراد احرار ، نه قدر غيرت كوستريرلر سه كوسترسونلر بالفعل ملكتده انقلابي بونلر وجوده كتوردمزلردى . چونكه الارنده مادي بر قوت يوق ايدى . بومقصد ، داخلده بولنان افرادله وجود بوله جق ايدى . ننه كيم حقيقت حالدهده بويله اولدى .

فرقه احرارك مبادى ظهورندنبري بومسلكك اك زياده رواج بولديني طرف روم ايلي ايدى . بوكا بر قاج اسباب واردى . باشلوجه سي بورا اهايلسك ديكر قطعات عثمانيه دن ترقيه ده مستعد . ثانياً : اهايلسك قوشو ماتلر و اروپا ايله ده صبق مناسبتده بولمسي ، ثانياً : بوقطعه ده بولنان اردولرده بك چوق مكتبلي ضابطانك بولونمسي و ده بعض اسباب بومقصد خدمت ايديوردى . بوندماعدا خارجده بولنان احرار ، سالف الذكر مواد دنطولاني بوقطعه ده زياده سيلاه اهميت ويرييورلردى . روم ايلي ، اونلرك سربسقي حركتلىر نه طول مدت معروض قالمش ايدى . بوده اونلرايچون قولاي ايدى . چونكه بوقطعه نك اطرافي باغاريه ، صربيه ، بوسنه ، قره طاغ و يونانستان كي اوفق حكومتلرله محاط و بورالرده ساكن اهايلندن ترك جنسه و خارجده بولنان فرقه احراره منسوب بك چوق افراد ورايدى .

مع هذا روم ايلي ده وقوعه كان حادثات اخيره يالكز سالف الذكر اسبابدن طولاني وقوعه كلديكي فكرنده بولنورسحق خطادر . بوراده بر مسئله وار ايدى كه بله مواد سالفه دن زياده اردولر يميزي و بوقطعه اهايلسني حكومت حميديه نك عليه حركت ايتمكه مجبور ايتمشدر .

معلوم اولديني اوزره صوك زمانلرده اوروپايليري ، شرقده اك زياده

مشغول ایدن مسئله، ما کدونیا مسئله سیدر. بومسئله بوندن بر یحق سنه اول
 اورا اهالی* مسلمه سی ایچون پک ننا برزنکه کیرمک استعدادی کوستریبوردی.
 اوروایلر بر چوق تدایر سیاسیه ایله یواش یواش بو قطعه یی دخی مرکز
 خلافتدن قوبارمق نیتند، اولدینی محقق ایدی. اوکونلرده روسیه وانکلتره
 حکومتلرینک بو ایشده متفقاً حرکت ایتمکده اولدینی و بوا یکی ممالکینک
 حکمدارلری ما کدونیا مسئله سنی صورت قطعیه ده حل ایده جکی حوادثی
 روم ایلی مسلمان اهالیسنه، اورا اشراف و اعیاننه، اردو ضابطان
 و امرا مزه پک زیاده تأثیر ایتمکده ایدی. شو مسئله اوزریننه ذاتاً اوتوز
 سنه دبری سرای اداره مستبد سنه قارشو اهالیزده موجود اولان نفرت
 اولانجه قوتیله اویانمش، هر کسده براتباه بر تیقظ حصوله کلشدی.

مابعدی وار

